

16





MEDICATIO  
 VIRI  
 CATALEPSI  
 LABORANTIS;  
 QUAM  
 Cum Bono Deo,  
 PRÆSIDE

VIRO CLARISSIMO  
 D. HENRICO REGIO,  
 Reip. Ultrajectinæ Poliatro, & Medicinæ  
 ac Botanices Professore Ordinario,  
*Publico examini subicit*

CORNELIUS GODEFREDUS ELBARCHS Arnh Gel.  
*Ad diem 8. Martij, horâ 2. pomeridianâ.*



Naturâ & Industriâ.

TRAJECTI ad RHENUM,  
 Apud PETRUM DANIELIS SLOOT,  
 ANNO M. DC. XLV.



*Reverendis, Doctissimis, piissimisque Viris*

D. LAMBERTO de RYCKE  
Medicinæ peritissimo,  
D. GEORGIO COSTIO,  
D. CORNELIO COSTIO,  
D. ARNOLDO TEECMANNO,  
D. CHRISTIANO OUWENS,  
D. J. C. Ministris vi gilantissimis.

Illi ex matris  
monio Pa-  
truo meo ju-  
gitercolēdo,  
Istis Amiti-  
nis, hisque  
Affinibus di-  
gnissimis.

*Hanc Medicina πρωτοπειρία submisso animo  
inscribo*

CORNELIUS ELBARCHS.

Τῷ ἡγεμόνι ἐγὼ, ὁ ἄπειρολογόμενος.

χαῖρε ἄνερ Βασιλεῖε κλυταῖς κοσμήμενε γένεσσιν  
Σὺ σφείζεις ἐμὲ, πρὸς σοὶ μετ' ἐλπίσιν ἔστηκεν.  
Κεῖνοι ἄγαν, καλοχῆ, ἀμφισβητῶσιν ἡεῖν,  
Οἱ μὲν ἔφασαν πῆξιν προῖων, ἀπακρύμενος οἱ δὲ.  
Αὐτὰρ ἔδωκε σὺ ἄναξ ἡμῖν τὰ καὶ ἄλλα φανένθα.  
Νῦν ἔτ' ἀληθείαν φύσιν ἐκδύς ἐνεκα πολλῶν,  
Τίς κατάληψις ἂν ἦ, οἷγεις π' ἄκρομα ὀνειδῶ.  
Τῶν αὐτῶν παρ' Ἰητήρων ἑα βραβεῖα λάβοιο,  
καὶ μακκαρίζοιμην σὸ παιδούον' ἔγωγος.

M E D I C A T I O  
 V I R I  
 C A T A L E P S I  
 L A B O R A N T I S.

I.

**V**ir annos natus quinquaginta, temperamento melancholicus hyeme asperissima, post diuturnos in occipite perceptos dolores, sedens in musæo inter libros, quibus studiorum causam totos dies assidere solebat, subitò omni sensu & motu est orbatus, excepta respiratione, quæ ipsi cum pulsu est integra. Manet perpetuò in eodem corporis statu, oculis velut in adstantes defixis, palpebrisque immobilibus & inconniventibus. Compellatus & interrogatus nihil audit, nihil respondet,

II.

Ut ex hac historia cognitionem per diagnosis & prognosin rectè auspicemur, & deinde ad curationem perveniamus, investiganda primum pars affecta: quam ex omnium actionum animalium læsione, cerebrum esse colligo. Læditur a: illud præcipuè secundum illam particulam, quæ sensui communi inservit; quia æger manet in eodem inter sedendum statu, & oculos servat apertos: quod non fieret, si totum cerebrum graviter esset affectum; ut apparet in apoplexia, paralyfi & similibus aliis gravibus cerebri affectibus.

III.

Morbus, quo affligitur æger, est intemperies melancholica, cerebrum totum leviter, sed sensorium commune, sive conarion, præcipuè graviterque occupans, quæ, salva respiratione & pulsu, omnem sensum & motum tollens, ægrumque in eo statu, in quo erat, cum ab hoc affectu primùm corripereetur, servans, Catalepsi sive Catochus à Medicis appellatur. Itq; ex causis & symptomatis innotescit,

E 2

Causa



## I V.

*Causa à: procatartica* hujus morbi, est perpetuū literarum studium, cui noster senex, totos dies inter libros sedendo, operam dedit. Hinc enim, adjuvante senili ætate, melancholici humores, qui *antecedens* hujus affectus sunt *causa*, fuerunt geniti. Horum pars in posteriorem partem capitis delata, dolorem diuturnum ibi excitavit: quæ verò postmodum subito, exiguâ quidem quantitate, in totū cerebrum, sed copiosè præcipueq; in sensorium commune, & partes ei vicinas ob asperrimum hyemale frigus, & intentiores ægri cogitationes, erupit, iisque firmiter inhæsit, ea *causam* hujus morbi constituit *continentem*; unde omnia *symptomata*, in ægro nostro occurrentia, originem ducunt.

## V.

Cum enim totum cerebrum multis & copiosis humoribus non sit oppressum, vel repletum, hinc illud non subsidit, nec subjectos nervos graviter premit; atque ideò satis copiosi hic geniti & per nervos diffusi spiritus, corpus ægri, inter sedendum, erectum, oculosque apertos servant, & respiratorios musculos perpetua influxus alternatione liberè contrahunt, & dilatant. Manent autem oculi inconniventes, & ad eadem perpetuò defixi, situsque corporis ab ipso nō mutatur; quia spiritus, ob sensorium commune hinc satis graviter affectum, ab anima nullius rei hinc consciâ, nihilque percipiente, in alios musculos non determinantur, sed in eosdem, in quos antea erant determinati, perpetuò fluentes, corpus ejus in eodem statu retinent. Compellatus verò vel interrogatus nihil respondet, nec quidquam audit; si quid oculis offeratur, non videt: quia, quamvis per nervos satis patentes soni & imagines rerum visibilium in cerebrum, & ad sensorium commune deferantur, ab anima tamen, propter conari- on, quod commune & proximum actionum mentis est instrumentum, humore melancholico valde imbutum, ac proinde ab objectis non satis motum, nihil quidquam percipitur.

## VI.

Alii volunt, hunc affectum à vapore, spiritus in cerebro & toto

roto corpore congelante, vel coagulante, originem ducere. Sed si hæc vera ejus esset causa, respiratio & pulsus, quæ spirituum ope peraguntur, hinc non possent esse integra. Nam coagulatio illa magna, ut spiritus totius corporis, ita etiam respirationi & pulsui inservientes congelaret, vel coagularet: iique condensati & humoris vel pruinae specie in ventriculos cerebri decedentes, non possent cerebri molem diutius sustinere, nec spirituum sufficientem copiam musculis thoracis suppeditare; unde primum apoplexia ægrum prosterneret, & deinde respirationis & pulsus usu ablato, mors necessario ipsum invaderet.

VII.

Nec nobis obsunt ii, qui à fulmine congelati & extincti in eodem corporis statu aliquamdiu permansisse dicuntur. nam illi à fulmine, non tantum spiritus, sed etiam solidas partes indurante, fuerunt occisi: noster verò æger vivit & spirat. Nec etiam obstat, quod artus in *Catalepticis* nonnunquam quovis marmore rigidiores appareant. Nam rigiditas illa proficiscitur à spiritibus, non congelatis, sed in musculos immixtis, & perpetuò influentibus, ibique, ob nullam novam eundem insecutam, determinationem, retentis, atque ita partes extendentibus. Talis quodammodo rigiditas passim in nobis observatur, dum, stantes & ad rem non attendentes, corpus nostrum erectum tenemus.

VIII.

Alii v. qui observant catalepticos quosdam, ab aliis motus, artus suos flectere, & erectos stare, imo propulsos ad passus aliquot progredi, existimant spiritus imaginationi inservientes in cerebro hic figi, dum reliqui manent integri. Sed hæc opinio non est admittenda, cum spirituum animalium in cerebro nullum sit discrimen: sed iidem sensationi, imaginationi, motui, aliisque animalibus operationibus inserviant; Ut ex physiologicis nostris constat.

IX.

Nec mirum à catalepticis, nihil cogitativè, ob sensorium commune affectum, sentientibus, tales motus peragi, & alimenta, ori inserta, nonnunquam deglutiri; cum hi, ob spiritus cerebri

B 3 animales



animales & sensoria singularia, haud graviter hic affecta, tales motus ab objectis possint recipere, quibus spiritus in cerebro ita determinantur, ut certos quosdam nervorum meatus per vices aperiant & claudant, atque in has vel illas partes fluant, easque vicissim in scio cataleptico moveant; eo ferè modo, ut in automatis pneumaticis & hydraulicis aliisq; contingit.

X.

*Periculosissimus* hic est morbus, quia humores melancholici sensorio communi firmissimè infixi, dum difficillimè possunt tolli, ægrum necessario alimento sumendo privant, & justum corporis motum impediens cacochymiam valde angent, atque ideò procul dubio vitam, nisi tempestivè & citò discutiantur, brevi ipsi, per lipothymiam vel apoplexiam vel carum, adiment.

XI.

Maturanda itaque *Curatio*: quæ perficietur causæ antecedentis & continentis ablatione, & deinde intempestiei cerebri & reliqui corporis, per calefacientia, humectantia, ac incidentia, emendatione.

XII.

Primò itaque talis iniiciatur clyster:

R. Mercurialis, betæ, salviæ, rutæ, pulëgii, centaur. min. an. M. j. flor. meliloti, camomill. stachados, an. p. j.

rad. polypod. querc. fol. sennæ,

sem. carthanni, an. unc. s. rad. altheæ, unc. j.

rad. ellebori nigri drag. ij. colocynth. drag. s.

Decoquantur in aq. com. ad lib. j.

colaturæ adde confect: bamech. unc. s.

hiere logodii drag. vj. trochisc. albandal. scrup. j.

ol. rutacei, anethini, an. unc. s. sal. com. drag. j. s. F. clyster

Si clyster injectus, ob nimiam intestinorum irritationem, vel aliam causam, non retinetur, mox sequens suppositorium ano inferatur:

R. pul. hiere logodij, scrup. ij. trochisc. albandal. scrup. j.

diagridij gr. ij. sal. com. gemme, an. scrup. s.

mellis cocti & indurati, q. s. F. suppositorium

Ab alvi



Ab alvi educatione, mox hoc sequens medicamentum, si tunc  
deglutire æger aliquid possit, ingeratur:

R. *tberiacæ* an. dragm. j. *mithrid.* scrup. j.  
*aq. beton.* unc. iij. *Misce.*

Tumque adhibeantur artuum & posterioris partis colli ac  
spinæ dorsi, cum pannis asperis calidis, frictiones. Et inungatur  
caput hoc linimento calido:

R: *ol. anethini, camomill. lilior. an:* unc. j.  
*His in vase dup. incoquatur herb. hyssopi,*  
*thymi, serpilli, an. p. j.*  
*Expressioni forti adde castorei drag. s.*  
*cereparum. F. linimentum.*

Naribus etiam infletur sternatatorium, ex helleboro albo, py-  
rethro, euphorbio, tabaco confectum

Ubi ad se plusculum redierit, præscribatur hoc decoctum:

R. *rad. buglos. borrag. an. unc. j. s.*  
*ellebori nigri drag. iij.*  
*herb. card. bened., stachad., epithymi, calamin,*  
*fumaria, anethi, an. M. j.*

*flor. borag. melissæ an. p. ij.*

*Coq. ex hydromelite ad lib. j., addendo sub fi-*  
*nem decoctionis fol. sennæ unc. j. s. rhabarb.*  
*agarici an, drag. iij. cinnamom. , nucis mo-*  
*scatæ an, drag. s.*

*In colatura dissolve syr. de stachade unc ij.*

*F. Apozema;*

De quo sumat unc. iij. semel vel bis in die, pro operationis  
magnitudine.

Ad intemperiem capitis & totius corporis corrigendam, su-  
mat de hac mistura mane & vesperi, ad quantitatem castanæ ma-  
joris.

R. *Conserv. flor. borag. buglosse,*  
*antbos an, drag. vj.*  
*sp. diamusci dulcis, letificantis Galemi an. scrup. iij.*

*thas*

*theriacæ veteris drag. ꝑ.*  
*Cum syr. de buglosso q. ꝑ. Miscuantur ad consist. Electuarii.*

### XIII;

In *dieta* aër sit calidus & humidus. Cibus sit panis ex bono frumento, bene fermentatus, & rectè coctus; sumat ova recentia, carnes juniores vervecinas, gallinaceas: convenit ptisana hordeacea. Ex oleribus conveniunt malva, lactuca, buglossum, borrago, Ex fructibus mala dulcia, uvæ passæ. Vitet legumina, porrum, cæpas, caules. Cibi quantitas sit moderata. Vinum bibat tenue, & mediocrem cerevisiam bene defæcatam. Exercitium ad excrementa discutienda sufficiat. Quærat lætitiæ occasiones; tristitiæ fugiat, Somnus sit longior. A vigiliis diuturnis absteat.

### COROLLARIA.

1. *Ascites ob diapidesin vasorum non semper oritur.*
2. *Globus in hystericis ad diaphragma ascendens, nullo modo est uterus; sed intestina conglomerata eò attolluntur.*
3. *Icterus etiam à sale sanguinis originem ducit.*
4. *Calculus generari potest & ab intemperie renum calida & frigida.*
5. *Convulsionis causa & spiritus vehementius in musculos influens valvulasque præter voluntatem aperiens.*
6. *Revulsio in pleuritide commodè fit per venam in affecti lateris brachio sectam.*
7. *Convenit, infanti recens nato purgationem levem ex rhabarbaro, manna, cassia, tamarindis & similibus, ad bilem per ductum intestinale evacuandam propinare.*
8. *Omnis morbus est forma.*

**F I N I S.**


00 A 6396

ULB Halle 3  
002 928 167



*St*





# LLARIA

us & perpetuus Medicinæ? Neg.  
circa morbos incurabiles? Aff.  
asserō.

ventriculo, donec omnis sit coctus.

orum.

ilatatur.

atum agnoscimus.

venarum? Neg.

ate perfectus, non videtur dari.

sque ullis alimentis posse vivere non est



# MEDICATIO

VIRI

# CATALEPSI

LABORANTIS;

QVAM

Cum Bono Deo,

PRÆSIDE

VIRO CLARISSIMO

D. HENRICO REGIO,

Reip. Ultrajectinæ Poliatro, & Medicinæ

ac Botanices Professore Ordinario,

*Publico examini subicit*

CORNELIUS GODEFREDUS ELBARCHS Amh Gel.

*Ad diem 8. Martij, horâ 2. pomeridianâ.*



Naturâ & Industriâ.

TRAJECTI ad RHENUM,  
Apud PETRUM DANIELIS SLOOT,  
ANNO M. DC. XLV.

